

讀史方輿紀要

四
卷
一
十二
保寧順天
重刊
冊

張氏永興記

四

川

四川方輿紀要叙

四川非坐守之地也以四川而爭衡天下上之足以王次之足以霸恃其險而坐守之則必至於亡昔者漢高嘗用之矣漢高王巴蜀都南鄭出陳倉定三秦戰於滎陽成臯之間而天下遂歸於漢諸葛武侯亦用之矣武侯之言曰王業不偏安也又曰雖不討賊王業亦亡惟坐而待亡孰與伐之是以六出祁山而不違安也往者紛紜之際雋點者窺巴蜀之險則從而竊據之當其始也氣盛方強智勇交奮勃然有并吞四方之勢故足以創起一隅其後處堂自足意計衰歇妄思聞境息民乃叩關而至者已在戶外矣公孫述之有蜀也完富實倍於羣雄其下荆邯說之曰宜發國內精兵令田戎據江陵臨江南之會倚巫山之固築壘堅守傳檄吳楚長沙以南望風而靡令延岑上漢中定三輔天水隴西拱手自服假令述能出此則漢高之業可復見矣而述不為嗚呼如邯者可謂明於用蜀者也子陽并底蛙耳安知天下大計荆邯之言不用而岑彭吳漢之師直指成都矣此非坐守之前鑒哉是故從來有取天下之畧者莫不切切於用蜀秦欲兼諸侯則先并蜀并蜀而秦益強富厚輕諸侯晉欲滅吳則先舉蜀舉蜀而王濬樓舡自益州下矣桓溫劉裕有問中原之志則先從事於蜀苻堅有圖晉之心則亦兼梁益矣宇文泰先取蜀遂滅梁隋人席巴蜀之資為平陳之本楊素以黃龍平乘出於永安而沿江鎮戍望風奔潰唐平蕭銑軍下信州後唐莊宗滅梁之後先吞蜀未可謂非削平南服之雄心也宋先滅蜀然後并江南收交廣南渡以後趙鼎謂欲圖關中當自蜀始張浚慮金人據陝窺蜀而東南不可保也於是守蜀之謀甚備終宋之世恒視蜀之安危為盛衰劉整之叛降於蒙古也獻計曰欲取江南宜先取蜀取蜀而江南可平蓋蜀者秦隴之肘腋也吳楚之喉吭也是誠攻取之先資也自張華以蜀為窮險極峻坐守之國祖其說者謂巴蜀自守則有餘用以攻人則必至於敗嗚呼是豈知蜀者哉譙周以姜維數戰而咎之者是未足以服姜維也孔明有漢高之畧而無漢高之時姜維有孔明之志而無孔明之才姜維用蜀而不能善用之者也謂其不知戰可也謂其不當戰則非也維以殘敝之蜀屢與魏人交逐於秦川而魏人無如何也及外有洮陽之敗內畏黃皓之譏解甲釋兵屯田沓中而敵師已壓其境此亦足以明坐守之非策矣且夫李勢恣睢於少城則亡譙縱蹈蹟於內水則亡王衍宴衍於國中則亡孟昶逸遊於境內則又亡豈皆以數戰之

故哉然則蜀之為蜀可知矣席勢乘便奮發有為此王者之資也四方多故礪兵秣馬踴角於羣雄間此霸者之規也否則苟延歲月而已未有強鄰壓境大敵在前而保其險塞可幸無虞者也是故出棧道以攻之而亡蜀者有之矣出江道以攻之而亡蜀者有之矣出一道以攻之而亡蜀者有之矣出兩道以攻之而亡蜀者有之矣司馬錯之於蜀侯鍾會鄧艾之於後主尉遲迴之於蕭紀郭崇韜之於王行王全斌之於孟昶此以棧道亡蜀者也岑彭吳漢之於公孫述桓溫之於李勢朱齡石之於譙縱湯和之於明昇此以江道亡蜀者也桓溫卒止萬人而疾戰於青衣之間齡石軍分三水而掣出於彭模之上苻堅使楊安偕諸將叩劍閣而下涪城尉遲迴統偏師越二劍而踰涪水郭從鞏督諸軍而渡桔柏而入鹿頭此以一道亡蜀者也來歙以銳師臨隴道而岑彭以水軍指江關鍾會以重兵攻劍閣而鄧艾以奇兵下陰平王全斌以步騎趨劍閣而劉光進以舟師上夔峽湯和將水軍擊瞿塘而傅友德以間道越白水此以分道亡蜀者也且不惟鎭兵陰平為千古之創事也王宏贊出白衛嶺而倒攻劍閣矣庾亮澤從青輿店則夾擊劍閣矣是劍閣不為固矣湯和伐木而出白鹽山廖永忠舁舟而上黑葉渡則瞿塘亦不能守矣然則有不攻則已攻則蜀未有不亡者也其或有不亡者劉敬宣之阻黃虎以白帝之絨未發也王足之釋涪城以邢巒之言不用也王宏贊之棄劍州以石敬瑭之師不繼也然而破軍殺將舉國震恐幸而不亡以攻者不力耳夫攻者不力而守者得全豈必蜀之險而後能之哉夫蜀之所以易亡者何也譬之禦盜者禦盜於垣牆之內垣牆一壞而舉家之人心膽墮地何能復與敵戰哉然則守劍閣者不以劍閣守瞿塘者不以瞿塘守可知也夫劍閣瞿塘三尺童子皆知其為險也知其為險則攻者必有之死而生之志守者必有以逸待勞之情用心一分而成敗判焉此魏武侯中流而喜吳起所為瞿然者也然則欲蜀之不亡必以戰乎曰余非謂恃戰以存蜀也棄守以為戰者不可謂善戰者也故曰以戰為守守必固以守為戰戰必強戰守不相離也如形影然姜維不知守所以不知戰也使維識閬外得專之義分遣一軍先絕陰平以防未然遵武侯之成法固守諸圍拒敵於險而親率一軍出略谷與敵相持於橫門沈嶺之交雖百會艾亦何能為哉後之事戰而不事守者蕭紀是也紀悉甲以爭江陵而空國以待魏師之入地亡於西身死於東是戰而失其所以戰者也夫戰而失其所以戰者亦未或不亡也或曰蜀不可守三代之時

蜀何以傳國至數百年乎曰是時勢之異也三代之時世教人朴為帝王者未有窮兵邀利之心也苟其不侵不畔斯置之矣自秦滅蜀而富強益著後之兼天下者其能一日忘蜀哉光武之并蜀也獨在削平僭偽之後蓋慮其地險力強盡拔其黨使之孤立而後圖之以天下之大僅存一蜀蜀其不能逃於釜中矣明初平蜀亦在掃清中原之後蓋知其以一女子奉一弱主僅保險阻之不暇不能為我上流患也故遽之也此又時勢之變事同而情異者也有運籌天下之志者不能取鏡於漢高之偉畧武侯之成算而曰蜀不足以攻人也是豈智出古人上哉吾見其不知量也夫恃其險而坐守之以至於亡又豈惟蜀為然哉

讀史方輿紀要卷六十六

崑山顧祖禹景范輯著
南昌彭元瑞芸槧校定

四川一

錦里龍萬育靈堂校刊

禹貢華陽黑水惟梁州

應劭曰梁州者言西

夏殷之間梁州為蠻貊國所謂巴賁彭濮之人也

文庶於蜀唐夏商至周衰稱王

長曰盤叢次曰栢濯次曰魚鳧周職方無梁州蓋併入於雍州周末秦惠王使司馬錯伐蜀有其地於天文與秦同

分野亦兼參之宿秦并天下此為巴蜀二郡漢武置十三州此為益州風俗通益之為言隘也言其地隘險亦曰體

入朝今土境皆自漢以後歷

代開拓氏羌戎今之地也

王莽末公孫述據有其地莽改益州後漢建武十二年平之仍置益州中平五年劉焉

繼為收益州徙治綿竹

漢末先主有其地父興初為魏所并亦曰益州晉因之惠帝以後李特據此永和三年收復寧

康初沒於苻堅太元中堅敗復取其地義熙初為譙縱所據九年討平之自宋以後多因前代蕭梁末屬於西魏隋

氏因之唐貞觀中置劍南道治益及山南道治荊州而境內之保寧順慶重慶夔州等府

南西順慶重慶之地屬焉

山南東治襄陽今夔等道唐末王建據此後唐同光三年平之旋為孟知祥所據宋乾

德三年平蜀置西川治益

州治益西川路州治興元夔州路州治龍安等府時悉為峽西路咸平四年又分西川東西兩路東路治梓州西路治成都峽西為

利夔兩路利州路仍治興元

州路治利夔四路元置四川等處行中書省治成都元末明玉珍據此明洪武四年平之九年置

四川等處承宣布政使司領府九直隸州六屬州十五屬縣一百一十二長官司九

百二萬八千五百五十石有奇而衛所諸司參列其中今仍為四川布政使司

百五十石有奇

而衛所諸司參列其中今仍為四川布政使司

成都府屬州六縣二十五

成都府屬州六縣二十五

成都縣附郭

華陽縣附郭雙流縣郫縣溫江縣新繁縣新都縣彭縣

崇寧縣灌縣

金堂縣仁壽縣井研縣資縣內江縣安縣

簡州屬縣一

資陽縣

資陽縣

資陽縣

崇慶州 屬縣一

新津縣

漢州 屬縣三

什邡縣

綿竹縣

德陽縣

綿州 屬縣二

彰明縣

羅江縣

茂州 屬縣一

汶川縣

靜州等長官司附見

威州 屬縣一

保縣

保寧府 屬州二 縣八

閬中縣 附郭 蒼溪縣

南部縣

廣元縣

昭化縣

劍州 屬縣一

梓潼縣

巴州 屬縣二

通江縣

南江縣

順慶府 屬州二 縣八

南充縣

附郭

西充縣

蓬州 屬縣二

營山縣

儀隴縣

岳池縣 今省 渠縣

隣水縣

大竹縣

夔州府 屬州一 縣十二

奉節縣 附郭 巫山縣

大昌縣 今省

大寧縣 今省 雲陽縣

萬縣

開縣

梁山縣

新寧縣 今省 建始縣

達州 屬縣二

東鄉縣 太平縣

重慶府 屬州三 縣十七

巴縣 附郭 江津縣

璧山縣 今省 永川縣

榮昌縣

大足縣 今省 安居縣 今省 綦江縣

南川縣 長壽縣

黔江縣

合州 屬縣二

銅梁縣

定遠縣

忠州 屬縣二

豐都縣 墊江縣

涪州 屬縣二

武隆縣 今省 彭水縣

遵義府 屬州一 縣四

遵義縣 附郭 桐梓縣

真安州 屬縣二

綏陽縣 仁懷縣

叙州府 屬縣十

宜賓縣 附郭 南溪縣

慶符縣

富順縣

長寧縣

高縣

筠連縣

珙縣

興文縣 隆昌縣 建武戶

射洪縣 中江縣 鹽亭縣 遂寧縣 蓬溪縣 安岳縣 今省 樂至縣

隸眉州屬縣三

彭山縣 丹稜縣 青神縣 今省

隸邛州屬縣二

大邑縣 蒲江縣

隸嘉定州屬縣六

峨眉縣 夾江縣 洪雅縣 犍為縣 榮縣 威遠縣 今省

隸瀘州屬縣三

納溪縣 江安縣 合江縣 瀘州屬縣見

隸雅州屬縣三

名山縣 榮經縣 蘆山縣

龍安府 屬縣三

平武縣 附郭 江油縣 石泉縣 青川屬縣見

馬湖府 屬縣一 長官司三

屏山縣 附郭 平夷 蠻夷 沐川 凡不稱縣者即長官司下做此

鎮雄軍民府 屬長官司四

懷德 威信 歸化 安靜

烏蒙軍民府

烏撒軍民府

東川軍民府

永寧宣撫司 屬長官司二

九姓 太平

黎州千戶所

天全六番招討司

松潘衛 所屬小河所及長官安撫諸司俱附見

疊溪所 所屬長官附見

西陽宣撫司

石耶 平茶 邑梅

石砭宣撫司

四川行都指揮使司 屬衛六所八長官司五

建昌衛 附郭又有建昌前衛亦在郭內

禮州後所 禮州中所 打冲河中前所 德昌所 昌州 威龍 普濟

寧番衛

昆山橋所

越篤衛

邛部 鎮西

鹽井衛

打冲河中左所 馬刺

會井衛

迷易

東據夔門

夔門即夔州府其東有瞿塘巫峽之險與荆楚接界

西連番族

威茂黎雅諸州以西皆番族也

南阻蠻部

永寧鎮雄烏撒東川皆為蠻部又南即雲南境內諸蠻矣

北控褒斜

褒斜在陝西漢中府史記巴蜀四塞棧道千里惟褒斜綰轂其口又蔡澤謂范雎君相秦棧道千里通於蜀漢通釋褒斜道一名石牛道今由漢中府鳳縣連雲棧西南過金牛峽亦曰石牛道至川口凡九百餘里

其名山則有峨眉

峨眉山在嘉定州峨眉縣西百里眉州南二百里張華以為牙門山也亦曰峨眉山以其兩山相對如蛾眉然自岷山而來連岡疊嶂延袤三百餘里至此突起三峯一為大峨山一為中峨山一為小峨山大峨山巖洞重複窅谷幽阻周圍千里莫測遠近登山者自麓而上及山之半又歷八十四盤山徑如綫者六十里而後至於峯頂山中有石龕百十二大洞十二小洞二十八若伏羲女媧鬼谷諸洞其最著者也又有雷洞七十三時出雲雨俗以為雷神所居中峨山在峨眉縣南二十里一名覆蓬山一名綏山小峨山在峨眉縣南三十里一名鐔刀山三山相連名曰三峨左思所云抗峨眉之重阻是也唐十道志劍南道名山曰峨眉

陸深云山周圍千里高八十里

岷山

岷山在成都府茂州西北五百里地名列鷲村一名鐵豹嶺一名沃焦山其附曰羊膊江水所出為貢岷山之陽

至於衡山

衡山見湘廣名山

又曰岷山導江苕卿曰江出於岷山其源可以濫觴太史公西瞻蜀之岷山又封禪書自華

以西名山曰瀆山瀆山者汶山也

汶與岷通漢書作岷山亦作岷山河圖括地象岷山之精上為井絡古蜀延三年岷山崩壅江水三日不流今其山直上六十里嶺最高者遇大雪開洋俯見成都郭璞岷山贊曰岷山之

精上絡東井始出一勺終至森溪王羲之曰岷山夏含霜雪殆崑崙之伯仲也水經注岷山即瀆山水曰瀆水又

謂之汶阜即龍山之南首也故稱龍蜀唐十道志劍南道名山曰岷山杜光庭曰岷山連峰接岫千里不絕灌縣

青城山乃其第一峯劉昫曰岷山連嶺而西不知紀極北望龍山積雪如玉南望成都若在井底陸游曰嘗登岷

山欲窮江源而不可得蓋自蜀境之西大山廣谷谿岨起復西南走靈霄中皆岷山也則江所從來遠矣薛氏曰

蜀西之山皆岷山也今自岷洮松疊以南其大山峻嶺班班可考者皆岷山之隨地易名者耳

青城

青城山在成都府灌縣西南五十里名山記山當益州之西南蜀郡今慶州之西北是也一名青城都山形如城北

接岷嶺南接峨眉唐六典為劍南道名山之一道書以為一名丈人山晉王弼云山為五嶽之長因名志以丈人青城分為二山一名赤城

山杜光庭記山高三千六百丈周匝一百五十里蜀山之望也山有七十二小洞應七十二候八大洞應八節晉

元康以後蜀亂處士范長生率眾數千家保青城山太安中李流圍成都屯郫城士眾饑乏長生自青城山資給

之軍復振其寨山曰成都山前臨麻姑洞深不可測與諸洞相連縣西南七十里為高臺山上有天池晉時所立

上清宮在焉又西南十里曰天倉山連崖隱軫凡三十六峯前十八峯為陽後十八峯為陰相傳為神仙帑庫又

有天國山亦作天谷在縣西南九十里祝穆曰青城山左連大面右接鶴鳴鶴鳴山見崇慶州志前臨獅子後枕大隋大

山見又有聖母山一名慈母山高二千餘丈周三十餘里高下與青城相接志云亦在灌縣西南五十里又西南為便傍山在灌縣西南百

里二十當吐蕃之界谿谷深邃積水雪天所以限中外也大面山在三谿之北青城山前臨青城後谿水黑亦名

黑水谿丈人觀在青城山北二十里後唐同光三年蜀王衍遊青城山歷丈人觀上清宮是也丈人觀西北又有

鬼城山諸山前後絡繹不一其名要皆青城山之支峯矣

劍門山亦曰大劍山在保寧府劍州北二十五里一名梁山

山海經高梁之山西接岷嶺東引荆衡嶠嵎嶺山也見省州彭山縣郭璞以岷嶠為二山又尋江源記梁

門尾入江其東北三十里為小劍山兩山相連水經注小劍戍西去大劍山三十里連山絕險飛閣通衢謂之劍

閣華陽國志武侯相蜀鑿石架空始為飛閣以通行道是也

輿地廣記孔明以大劍至小劍當縵東之路乃立劍

楊欣鑿而廣之今關口亂石錯立乃其故址按水經注十三州志漢中志皆云石門在漢中廣記似誤

魏鍾會入漢中下關城此謂漢中之陽平關姜維退屯劍閣以拒會列營守險會不能克今大劍山猶有姜維故

壘晉元康八年李特帥關中流民就食巴蜀過劍閣太息曰劉禪有如此地面縛於人豈非庸才耶升平三年梁

州刺史司馬勣叛率兵入劍閣攻涪今綿進圍益州桓溫遣朱序等討平之寧康初秦苻堅使毛當等出劍門別

將徐成攻劍閣克之王氏曰自苻堅使楊安寇蜀其將徐成陷二劍於是始有二劍之稱齊建元二年晉壽民李烏奴引氐寇梁州豫章王巖遣中

兵參軍王圖南將益州兵從劍閣掩擊之梁南秦二州刺史崔慧景發梁州兵屯白馬即平陽關與圖南覆背擊烏奴

烏奴敗保武興武興見陝西梁天監四年魏邢密取漢中諸城戍遣統軍王足入劍閣圍涪城密表言蜀之所恃惟

在劍閣今既克重阻瞻望益旦夕可圖劍閣天險得而棄之良可惜矣請遂乘勝取蜀不聽十三年魏復謀取

蜀分遣其將甄琛出劍閣十五年巴西梓潼二郡太守張齊與魏爭葭萌敗還小劍大劍諸戍皆棄城走普通六

年益州刺史蕭淵猷遣其將樊文斌等圍魏益州長史和安於小劍魏將淳于誕引兵救小劍文斌敗遁大同初

劍閣復入於梁大寶初氏酋楊法琛入利州今廣元縣據州附魏益州刺史武陵王紀遣楊乾運等討之法琛發兵據

劍閣乾運攻拔之法琛遁走承聖二年紀東侵荊州西魏將尉遲迥乘虛南寇潼川今綿州刺史楊乾運等密以劍

閣送款於魏迥入劍閣蜀遂瓦解後周大象初益州總管王謙舉兵應相州時林州總管尉遲楊堅使梁睿討之

自劍閣進逼成都謙敗死唐置劍門關及大劍小劍二成元和初劉闢作亂山南西道嚴礪遣將先奪劍門入劍

州而闢以喪敗蓋劍門足以制兩川之命也咸通乾符中南詔犯成都師出劍門而敵引却乾寧四年王建攻東

川岐帥李茂貞遣將李繼昭救之留偏將守劍門以防歸路西川將王宗播擊擒之後唐同光四年滅蜀師還至

劍門

利州李紹琛自劍州擁軍而西稱西川節度李繼安遣任圜追擊之圜先遣別將下劍門關守之遂進敗紹琛於漢州長興初董璿孟知祥謀據兩川璋遣兵築七寨於劍門又於劍門北置永定關布列烽火時唐王亦詩發兵討璋知祥聞之疑懼謀於其屬趙季良李良請以東川兵先取遂闕時唐主增兵置帥於關然後并兵守劍門則

大軍雖來吾無內顧之憂矣既而璋克閬州引兵趨利州遇雨糧盡還閬州知祥驚曰比破閬州正欲徑取利州

其帥不武必望風自遁我獲其倉廩據漫天漫天猶見之險廣元縣北軍終不得西救武信時兩川合軍攻遂州也今僻處閬州遠

棄劍閣非計也欲遣兵助守劍門璋固辭乃止既而唐軍來伐石敬瑭入散關見陝西前鋒王宏贇等引兵出人

頭山後今見昭化縣過劍門南還襲劍門克之進破劍州而大軍不繼乃還保劍門知祥聞之大懼急遣兵赴劍州屯

唐兵來攻敗還周顯德二年遣軍伐蜀取秦階諸州蜀人懼貶兵糧於劍門白帝為守禦之備宋乾德三年王

全斌伐蜀發利州至益光即益州今昭化縣得降卒年進言益光江東越大山數重有狹徑名來蘇蜀人於江西置柵守之

對岸有渡路出劍門南二十里至青糧店與官道合由此進兵則劍門之險不足恃也康延澤曰蜀人併力守劍

門若令諸帥協力攻取而命別將取來蘇達青糧北擊劍閣與大兵夾攻破之必矣全斌從之劍門遂下蓋劍門

控扼險阻不容恃力以取也晉張載劍閣銘曰巖巖梁山積石我我遠屬荆衡近綴岷嶠南通邛樊北達褒斜狹

過彭碛高踰嵩華惟蜀之門作固作鎮是曰劍閣壁立千仞窮地之險極路之峻唐李德裕銘曰羣山西來波積

雲屯地險所會斯為蜀門層峯峻壁森若戈戟萬壑奔奔雙飛高闊翠嶺中橫黯然黛色樹若雄屏以衛王國德裕

自注云劍門當有一峯峻嶺橫峙望若巨屏此一峯最奇而說者未之及也王氏曰大劍山兩崖相對劍門關在其上北去陝西棧道六百餘里西南

去成都八百餘里自古推為天下之險三國時鄧芝曰蜀有重險之固吳有三江之阻重險者謂外有褒斜子午

之險內有劍閣之隘也三江見江左思賦云阻以劍閣殷仲堪曰劍閣之隘蜀之關鍵唐劉鳳云梁山之險蜀恃

為外戶其山峭壁中斷兩崖相欽如門之闕如劍之植故名劍門益州圖經云小劍山截野橫天奔峯倒地挾楚

包漢呼秦擁蜀大劍雖號天險有阨塞可守崇墉之間逕路頗坦小劍則壁石架梁飛閣成道聳峭不容飛越李

白所云一夫當關萬夫莫開者也雖然劉禪蕭紀之徒其如地利何哉

巫山

巫山亦曰巫峽在夔州府巫山縣東三十里為三峽之一

三峽詳湖廣重險西陵

長一百六十里所謂巴東三峽巫峽長也

戰國策蘇秦說楚威王曰西有黔中巫郡蓋郡據巫山之險因以山名後漢初荆邯說公孫述亦云倚巫山之固

山在楚蜀間為巨障年江行記自巫峽東至西陵峽皆連山無斷處非亭午夜分不見日月風無南北惟有上下

水經注謂杜宇所鑿以通江者圖經巫山抗峯岷峽皆嶺衡嶽其羣峰凝結翼附並出青雲世傳巫山十二峯曰

望霞曰翠屏曰朝雲曰松巒曰集仙曰聚鶴曰淨壇曰上昇曰起雲曰飛鳳

亦作樓鳳

曰登龍曰聖泉是也下有神女

廟范成大吳船錄云下巫山峽三十五里至神女廟廟前灘尤洶怒十二峯俱在北岸前後映帶不能足其數十

二峯各有名俱不甚切陸游入蜀記神女祠正對巫山峯巒上入霄漢山脚直插江中說者謂太華衡廬皆無此

奇然十二峯不可悉見所見八九峯

蘇轍巫山賦亦云峯連蜀見十二其二九可以而三不可見

惟神女峯最為鮮麗巫峽之名蓋因山以名峽

也蜀人以其在蜀東境亦謂之東峽云

其大川則有岷江

岷江出岷山北

舊志云江源出羊膊嶺一云出木塔山今詳考二山諸志俱未審也或云松潘衛北水分水嶺即羊膊嶺夫抵岷山以北之支阜矣

經松潘衛西又南經疊溪所

西復南流歷茂州及威州西折而東南至灌縣導流益多包格於成都府境而南入眉州界經州東又南歷嘉定

州東復東南流歷叙州府城北又東北經瀘州城東又東北歷重慶府南又東經涪州北復東北出經忠州城南

又東經夔州府城南出巫峽而入湖廣界志云岷江亦曰汶江亦曰都江亦曰外水其在州郡城邑間者往往隨

地立名而都江外水則岷江之通稱也岑彭之攻公孫述也泝都江而上拔武陽

見眉州彭山縣

先主取益州諸葛武侯

自荊州來會克巴東

今夔州府

至江州破巴郡

今重慶府

遣趙雲從外水定江陽捷為

以嶺西叙瀘

晉桓溫伐李勢取道外水義

熙初毛璩自益州東討桓振於江陵使其弟瑾等將兵出外水四年劉裕使劉敬宣討譙縱敬宣遣別將溫雅出

外水八年復使朱齡石討之還從外水取成都都是也自夔州上下亦謂之峽江唐史中和二年賊帥韓秀昇等斷

峽江路西川帥陳敬瑄遣兵討之不克時車駕幸成都斷峽江則荆蜀路絕王命不復行於東南於是江淮貢賦

反雲安濟井鹽運皆不至公私窘迫三年高仁厚討平之輿程記自江源至成都九百九十里水不甚急自瀘州以東長川巨浸悉委於岷江而波流益以浩衍百石大船止於瀘州自瀘以西江水漸狹也由瞿唐而下謂之峽江郭仲產云峽江兩岸重巖疊嶂蔽日隱天至於夏水襄陵沿汭阻絕王命急宣有時朝心白帝暮到江陵其間千二百里雖乘奔御風不能及也餘詳見川瀆異同

雅江

雅江出成都府漢州什邡縣西北六十里之章山逕州城北為雅水又東南有湍水來會焉湍水出大江自灌縣西湍堰分流經崇寧彭縣新繁新都至漢州南而會於雅雅水南入新都縣界有綿水來會焉綿水出漢州綿竹縣紫巖山逕德陽縣東又南至漢州東又南至新都東北而合於雅水三水合流亦謂之雅江又南歷金堂縣東南之金堂峽而為金堂河又東南歷簡州城東而為雅水亦曰牛鞮水又東經資縣治南而為珠江亦曰資江又東南經內江縣西而為中江又經重慶府榮昌縣之西界及叙州府富順縣之東而曰中水亦曰金川又東南流經隆昌縣南至瀘州城東而合於大江雅江之名亦隨境而更而中水亦為雅江之通稱矣朱齡石之討譙縱也分遣臧晝從中水取廣漢沈約曰資江為中水今由瀘州以北直抵漢州固出奇之所矣

涪江

涪江出松潘衛北九十里之小分水嶺東南流過小河所北又東南逕龍安府東及江油縣北又東南經劍州西南入成都府境經彰明縣東又歷綿州城東南亦謂之綿水又歷羅江縣治東北亦謂之羅江水又東南入潼川州境過州城東歷射洪縣東及遂寧縣城南又東南入重慶府境經銅梁縣北定遠縣西南至合州城東南而與嘉陵江合又東南至府城北而東入於岷江漢志注涪水過郡二謂廣漢巴郡也行千六十九里後漢建武十一年岑彭討公孫述使臧宮從涪水上平曲見合州定遠縣宮破延岑之兵進拔綿竹破涪城拔繁郪與吳漢會於成都建安十六年先主入蜀至巴郡西墊江水詣涪墊江今之合州蓋從墊江沂涪水徑上涪城也十八年先主自葭萌進據涪城益州從事鄭度謂劉璋莫若盡驅巴西梓潼民內涪水以西其倉廩野穀一皆燒除高壘深溝靜以待之璋不